

Letter 431c: 12 January 1531, Strasbourg, Chapter of St. Thomas to Balthasar Mercklin

The manuscript is in AST 22-7.

Hochwurdiger furst, gnediger herr, ewern furstlichen gnaden, sein unnsere guttwillige dienst allzyt möglichs vlyß zuvor.

5 Gnediger her, E. F. G. schryben, den wurdigen, hochgelerten Doctor Niclus Wurmßern, unsern Dechan belangend, haben wir innhalts vernomen und geben hieruff E. F. G. untertheniger meinung disen gegenbericht, das wir nit allein gemelts unnsers herren dechans, sonder ouch
10 Doctor Peter Wigkrams halb verursacht worden, den artickel des offeburgischen vertrags die presentz betreffend, zu disputieren, und wiewol wir uß E. F. G. schryben, wol abnemen könnenden, das solcher artickel E. F. G. als hell und clar, und deßhalb keiner wyteter interpretation bedurfftig in gebildet leut wie er sich vilicht den blossen buchstaben noch wol möchte ansehen
15 lassen, vor einem jecklichen, so by diser handlung nit selbs gegen wurtig gewesen, dwyl aber ratio legis anima ist, und wir in keinen zwifel setzen, das hierinn der vertrags herren, und unnsere meinung und gemütt dises artickels halb anders gewesen ist, dann genannte unnsere herren und frunde Doctor Niclus Wurmßser und Doctor Peter Wickgram ine jetzund verstan wöllen. So
20 sicht unns fur gutt an, das vorgemelte vertrags herren, so an sonder mühe und arbeit wol zubekhomen sind, uns zu beiden syten, noch den solichs ouch das recht und alle billicheit zu geben, durch ire declaration unnsers zwespeltigen verstands hierinn entscheiden, was wir dann durch solche ire declaration gewisen werden, den wöllen wir gern geleben und statt thun, in hoffnung beide unnsere lieben herren und frunde werden sich solichs unnsers ehrlichen erbietens benügen lassen, und sich mit unns vilgemelter vertrags herren entscheid zunemen, nit
25 weigeren. Dartzu wir unns mit inen uffs furderlichst zu schicken verbottung wolten E. F. G. uff ir schryben, wir underdienstlichs willens nit verhalten. Datum Straßburg am XII^{ten} tag Januarij Anno etc. XXXI.

E. F. G. underthenige, guttwillige,

Probst, Vicedecan und Capitel Sanct Thomas Stiffts zû Straßburg.

25 [Address]: Den hochwurdigen Fursten und herren, Hern Baltasar Bischoven zû Costentz und Hildeßheim, etc., unnsern gnedigen herren.